

**Caingean arna tabhairt an 15 Samhain 2022 — Neottolema v an Coimisiún**

(Cás T-724/22)

(2023/C 63/73)

*Teanga an cháis: an Phortaingéilis***Páirtithe**

*Iarratasóir:* Neottolema, Lda (Zona Franca da Madeira) (Funchal, an Phortaingéil) (ionadaithe: G. Leite de Campos agus M. Clemente, Dlíodóirí)

*Cosantóir:* An Coimisiún Eorpach

**An t-ordú atá á lorg**

Iarann an t-iarratasóir ar an gCúirt Ghinearálta:

— Airteagail 1 go 3, Airteagal 4(1) go (3) agus an dara cuid de mhír 4, agus Airteagail 5 agus 6 de Chinneadh (AE) 2022/1414 ón gCoimisiún an 4 Nollaig 2020 maidir leis an scéim cabhrach SA.21259 (2018/C) (ex 2018/NN) arna cur chun feidhme ag an bPortaingéil le haghaidh Zona Franca da Madeira (ZFM) — Scéim III (a bhfuil fógra tugtha ina leith faoi dhoiciméad uimhir C(2020) 8550) a chur ar neamhní; <sup>(1)</sup>

— a ordú don Choimisiún costais na n-imeachtaí seo a íoc.

**Saincheistanna dlí agus príomhargóintí**

Mar thaca lena chaingean, maíonn an t-iarratasóir cúig shaincheist dlí.

An chéad saincheist dlí, lena n-éilítear sárú ar Airteagal 108(2) CFAE agus ar Airteagail 21 go 23 de Rialachán (AE) 2015/1589 ón gComhairle an 13 Iúil 2015.

An dara saincheist dlí, lena n-éilítear go bhfuil an Cinneadh faoi chonspóid ag teacht salach ar na forais ar a bhfuil sé bunaithe ar bhealach doleigheasta.

An tríú saincheist dlí, lena n-éilítear sárú ar phrionsabal na tabhartha cumhachtaí, a chumhdaítear in Airteagal 5 CFAE.

An ceathrú saincheist dlí, lena n-éilítear sárú ar Airteagal 107 CFAE, ós rud é nach ann do státabhair i roinnt de na cásanna sa Chinneadh agus gur saibhríodh Stát na Portaingéile go héagórach, de shárú ar an bprionsabal um chosc ar an té atá san éagóir (Stát na Portaingéile) tairbhe a bhaint.

An cúigiú saincheist dlí, lena n-éilítear sárú ar Airteagal 26 CFAE maidir leis an margadh inmheánach a chur chun cinn.

<sup>(1)</sup> IO 2022 L 217, lch. 49.

**Caingean arna tabhairt an 15 Samhain 2022 — Register.com v an Coimisiún**

(Cás T-725/22)

(2023/C 63/74)

*Teanga an cháis: an Phortaingéilis***Páirtithe**

*Iarratasóir:* Register.com, LP — Sucursal em Portugal (Zona Franca da Madeira) (Funchal, an Phortaingéil) (ionadaithe: G. Leite de Campos agus M. Clemente, Dlíodóirí)

*Cosantóir:* An Coimisiún Eorpach

**An t-ordú atá á lorg**

Iarrann an t-iarratasóir ar an gCúirt Ghinearálta:

- Airteagail 1 go 3, Airteagal 4(1) go (3) agus an dara cuid de mhír 4, agus Airteagail 5 agus 6 de Chinneadh (AE) 2022/1414 ón gCoimisiún an 4 Nollaig 2020 maidir leis an scéim cabhrach SA.21259 (2018/C) (ex 2018/NN) arna cur chun feidhme ag an bPortaingéil le haghaidh Zona Franca da Madeira (ZFM) — Scéim III a chur ar neamhní; <sup>(1)</sup>
- a ordú don Choimisiún costais na n-imeachtaí seo a íoc.

**Saincheisteanna dlí agus príomhargóintí**

Mar thaca lena chaingean, maíonn an t-iarratasóir cúig shaincheist dlí.

An chéad saincheist dlí, lena n-éilítear sárú ar Airteagal 108(2) CFAE agus Airteagail 21 go 23 de Rialachán (AE) 2015/1589 ón gComhairle an 13 Iúil 2015.

An dara saincheist dlí, lena n-éilítear go bhfuil an Cinneadh faoi chonspóid ag teacht salach ar na forais ar a bhfuil sé bunaithe ar bhealach doleigheasta.

An tríú saincheist dlí, lena n-éilítear sárú ar phrionsabal na tabhartha cumhachtaí, a chumhdaítear in Airteagal 5 CFAE.

An ceathrú saincheist dlí, lena n-éilítear sárú ar Airteagal 107 CFAE, ós rud é nach ann do státcabhair i roinnt de na cásanna sa Chinneadh agus gur saibhríodh Stát na Portaingéile go héagórach, de shárú ar an bprionsabal um chosc ar an té atá san éagóir (Stát na Portaingéile) tairbhe a bhaint.

An cúigiú saincheist dlí, lena n-éilítear sárú ar Airteagal 26 CFAE maidir leis an margadh inmheánach a chur chun cinn.

<sup>(1)</sup> IO 2022 L 217, lch. 49.

**Caingean arna tabhairt an 6 Nollaig 2022 – TB v ENISA**

(Cás T-760/22)

(2023/C 63/75)

Teanga an cháis: an Béarla

**Páirtithe**

*Iarratasóir:* TB (iondaithe: L. Levi agus N. Flandin, Dlíodóirí)

*Cosantóir:* Gníomhaireacht an Aontais Eorpaigh um Chibearshlándaíl (ENISA)

**An t-ordú atá á lorg**

Iarrann an t-iarratasóir ar an gCúirt Ghinearálta:

- CDR 2020 a eascraíonn as Cinneadh 8/2022 an 3 Feabhra 2022 ó Stiúrthóir Feidhmiúcháin ENISA a chur ar neamhní a mhéid a bhfuil na barúlacha seo a leanas ann:

- Faoi B.1 “Éifeachtúlacht”, leathanach 4 – pointe 2) cuir beartas frithchhalaoise ar fáil, nuashonrú ar bheartas sceithreachta agus cód iompair:

- “[...] Rinne PO an beartas sceithreachta a nuashonrú mar dhréachtchoincheap ach níor leanadh iad chun údarú a fháil roimh ré ó sheirbhísí COM, ar réamhchoinníoll sonrach é (clásal athbhreithnithe i gcinneadh MB) maidir le hathbhreithniú a dhéanamh ar an mbeartas sceithreachta. Maidir le cód iompair ENISA, cuireadh cinneadh COM i bhfoirm foilseacháin (leabhar) i gceangal le cinneadh MB maidir le straitéis frithchhalaoise. Dá bhrí sin, níor ghlac an MB an cód iompair. Foráiltear sa phlean gníomhaíochta 2021 maidir le straitéis frithchhalaoise go n-ullmhófar cód iompair i bhfoirm cinnidh ón MB.”